

# 卷十二

書名 春秋左傳註疏六十卷  
 撰者 晉 杜預 注, 唐 陸德明 音義, 唐 孔穎達 疏  
 卷 卷十二  
 內容分類 經 春秋- 春秋左傳- 唐  
 索書號 經部- 彙刻- 1  
 編號 A 297500

[彩色首頁1](#)

[東洋文化研究所漢籍目錄 編號: A 297500](#)

[東洋文化研究所漢籍目錄所藏漢籍善本文影像資料庫 索書號: 經部- 彙刻- 1](#)

[漢籍善本文影像資料庫文本春秋左傳註疏六十卷](#)

版權所有: [東京大學](#) [東洋文化研究所](#)

[使用上的注意事項](#)

## 春秋左傳註疏卷第一

晉杜氏註

唐孔穎達疏

### 春秋序

○陸曰此元凱所作既以釋經故依例音

釋例序之本或題為春秋左傳序者沈文何以爲  
 今不用疏正義曰此序題目文多不同或云春  
 集解序或云春秋左氏傳序按晉宋古本及今  
 定本並云春秋左氏傳序今依用之南人多云  
 此本釋例序後人移之於此且有題曰春秋釋  
 例序置之釋例之端今所不用晉太尉劉寔與  
 杜同時人也宋大學博士賀道養去杜亦近俱  
 爲此序作註題並不言釋例序明非釋例序也  
 又晉宋古本序在集解之端徐邈以晉世言五  
 經音訓爲此序作音且此序稱分年相附隨而

元年革車三十乘季年乃三百乘

冬立齊桓公始平魯亂故傳因言齊之所以霸衛之

所由興革車兵車季年在僖二十五年蓋招懷逃散

故能致十倍之衆

○乘繩證反下同遜必諍反

春秋左傳註疏卷第十一 終

春秋左傳註疏卷第十二 僖元年 盡五年

晉杜 氏註

唐孔穎達疏

僖公

○陸曰僖公名申莊公之子閔公正義曰之兄母成風諡法小心畏忌曰僖魯世家

僖公名申莊公之子閔公庶兄其母成風所生也惠王十八年即位諡法小心畏忌曰僖是歲

歲在 鶉首

經元年春王正月


齊師宋師曹伯次于聶北救邢

齊帥諸侯之師救邢次于聶北者案兵觀釁以待事也次例在莊三年聶

北邢地○聶女軌反  
師皆是侯伯之身公羊稱不與諸侯專封故變稱師耳此時方始救邢邢本不滅何以言其封也左氏無此義將卑師衆稱師此三國皆師多而大夫將故名氏不見並稱師公羊以為此言次于聶北救邢與襄二十三年叔孫豹救晉次于雍榆二事相反為之作說言此是君也進止自由彼是臣也先通君命賈服取以為說杜以傳無此事故不用其言釋例曰所記或次在事前次以成事也或次在事後事成而次也皆隨事實無義例也此時狄人尚強未可即擊案兵觀釁以待其事須可擊乃擊之故次在事前

夏六月邢遷于夷儀○邢遷如歸故以自遷為辭夷儀

邢地○邢器用而遷之則是諸侯遷邢也而文作邢自遷者以邢遷如歸故以自遷為文公羊傳曰遷者何其意也遷之者何非其意也言邢遷于夷儀許遷



千白羽者皆是其國之意自欲遷之宋人遷宿齊人遷陽者他人強遷其國之意不欲遷也

齊師宋師曹師城邢○傳例曰救患分災禮也一事而

再列三國於文不可言諸侯師故○正義曰春秋

之例先會而後盟者會則具序諸國盟則總稱諸侯公羊謂之前目而後凡此上文已列三國之師救邢救邢與城邢猶是一事相連耳而再列三國之師不依前目後凡者於文不可言諸侯師故也案此十五年歷序諸侯盟于杜丘下書諸侯之大夫救徐襄二宋此不言諸侯之師城邢者此與會盟小異十四年諸侯城緣陵為其事有關故總稱諸侯此若云諸侯之師城邢似為其事有關總書為貶故雖則煩文而再列三國

秋七月戊辰夫人姜氏薨于夷齊人以歸○傳在閔二

年不言齊人殺諱之書地者明在外薨傳在至

義曰傳在閔二年者彼因孫于邾遂終言之實齊人殺之諱故不言殺也夫人之薨例不書地書地者明其在外而薨若言夫人自行至夷遇疾而薨齊人乃以其喪歸耳

楚人伐鄭荆始改號曰楚義曰此前常呼為荆此

後遂稱為楚據其見經為言故云荆始改號莊二十八年仍書荆伐鄭自爾至今不知何年改

八月公會齊侯宋公鄭伯曹伯邾人于榿榿宋地陳

國陳縣西北有榿城公及其會而不書盟還不以盟

告榿勅傳言盟于榿榿即榿也而經不書盟釋

例曰盟于鄧盟于榿盟于戚公既在會而不書其盟以理推之會在盟前知其後盟也蓋公還告會而不

告盟也

九月公敗邾師于偃

冬十月壬午公子友帥師敗莒師于鄆獲莒擊鄆魯

地擊莒子之弟不書弟者非卿非卿則不應書嘉季

友之功故特書其所獲大夫生死皆曰獲獲例在昭

二十三年鄆力知反擊女居反又女加反義曰傳言莒子之弟

而經不書弟者諸侯之臣為卿乃見經見經則備書名氏若言莒子之弟擊則是為卿之備文此不書弟

見其非卿也傳曰非卿也嘉獲之也以非卿不應書經嘉季友之功能獲莒之大將故特書所獲以美季

子公羊亦云此何以書大季子之獲也釋例曰莒擊非卿非卿則不應書今嘉獲故特書之特書猶不稱

春秋

卷之十一

昭

弟明諸書弟者皆卿也

十有二月丁巳夫人氏之喪至自齊

故告於廟而書喪至也齊侯既殺哀姜以其尸歸絕

之於魯僖公請其喪而還不稱姜闕文

義曰齊人治哀姜之罪取而殺之則位絕於魯非復

魯之夫人其死不合書之於策以僖公請而葬之外

欲固齊以居厚內存母子不絕之義故其書於經薨

葬備禮諱之若言無罪而自死然既諱其殺不宜有

貶公羊傳曰夫人何以不稱姜氏貶曷為貶與弑公

也穀梁傳曰其不言姜以其殺二子貶之也或曰為

齊桓諱殺同姓也賈逵云殺子輕故但貶姜然則姜

氏者夫人之姓二字共為一義不得去姜存氏去氏

存姜若其必有所貶自可替其尊號去一姜字復何

所明於薨於葬未嘗有貶何故喪至獨去一姜公羊

傳又曰曷為不於弑焉貶貶必於其重者莫重乎其

以喪至也案禮之成否在於薨葬何以喪至獨得為

重喪至已加貶責於葬不應備文何故葬我小君復

得成禮正以薨葬備禮知其無所貶責故杜以經無

姜字直是闕文公羊穀梁見其文闕妄為之說耳

傳元年春不稱即位公出故也

國亂身出復入故即位之禮有闕

反下文同公出復入不書諱之也諱

國惡禮也掩惡揚善義存君親故通有諱例皆當


時臣子率意而隱故無深淺常准聖賢從之以通人

理有時而聽之可也

准之元年至禮也○正義

僖公出奔邾九月慶父出奔莒公即歸魯言公出故

者公出而復歸即位之禮有闕為往年公出奔之故



非言應卽位之時公在外也齊小白陽生之徒皆出而復入經書其入僖公類之亦應書入往年公出復入不書諱之國內有亂致令公出不書公出復入諱國亂也國亂國之惡事諱國惡是禮也時史諱而不書仲尼因而不改嫌諱非禮故以禮居之○**諱**掩惡至可也○正義曰坊記曰善則稱君過則稱已則民作孝是掩惡揚善之作忠善則稱親過則稱已則民作孝是掩惡揚善之作義存君與親也君親之惡務欲掩之是故聖賢作法通有諱例諱雖有例而事無定體或諱大不諱小或諱小不諱大皆當時臣子率已之意而爲之隱故無淺深常准隱十年公羊傳曰於外大惡書小惡不書於內大惡諱小惡書必如彼言是有常準歷檢春秋都無定例納鼎惡於易曰諱田而不諱鼎公入小於公出諱入而不諱孫是其無常準也既無常準隨諱深淺舊史有所辟諱聖賢因而從之以通人事之理故容有掩惡之法釋例口有時而聽之則可也正以爲後法則不經故不奪其所諱亦不爲之定制言若正爲後法每事皆諱則爲惡者無復忌憚居上者


不知所懲不可盡令諱也人之所極惟君與親纔有小惡卽發其短非復臣子之心全無愛敬之義是故不抑不勸有時聽之以爲諱惡者禮也○**諸侯救邾**無隱者直也二者俱通以爲世教也

**實大夫而曰諸侯總衆國之辭**○**實**實大至之辭

將卑師衆稱師三國並稱爲師是皆大夫將也實大夫也而曰諸侯總衆國之辭也桓五年蔡人衛人陳人從王伐鄭傳曰王以諸侯伐鄭彼亦大夫將總衆國而稱諸侯也先儒以爲此役諸侯身行故言此以異之**邾人潰出奔師**○**奔**聶北之師也邾潰不書不告也○潰戶師遂逐狄人具邾器用而遷之師無私焉

**皆撰具還之無所私取**○撰仕眷反○**撰**皆撰至又仕轉反○**撰**私取○正

義曰邾人潰而奔師棄其家之器物師逐狄人爲之斂聚皆撰具以還邾人師人無所私取善齊桓委任



得人用兵 ○夏邢遷于夷儀諸侯城之救患也凡侯

伯救患分災討罪禮也 侯伯州長也分穀帛 甫問

反又如字 例齊侯之為侯伯當是王之二伯此言

州長必是九州之長但州牧於其竟內亦當救患討

罪以州牧亦掌此事故言州長以包之有災害者分

之財物知分 秋楚人伐鄭鄭即齊故也盟于犂謀

者分穀帛也 救鄭也 犂即榿也地有二名 犂音洛

敗邾師于偃虛丘之戍將歸者也 虛丘邾地邾人

既送哀姜還齊人殺之因戍虛丘欲以侵魯公以義

求齊齊送姜氏之喪邾人懼乃歸故要而敗之 起居

反勢於 在焉公既盟而敗其師傳不明言其故直

遙反 虛丘之戍不知虛丘誰地何故戍之服虔云虛丘

魯邑魯有亂邾使兵戍虛丘魯與邾無怨因兵將還

要而敗之所以惡僖公也邾之與魯本無怨惡僖公

奔邾則為之外主國亂則戍其內邑無故而敗其師

亡信背義莫斯之甚非僖公作頌之主所當行也社

以爲不然故別爲此說此說亦無所據要其理當然

也案十二月夫人之喪始至此九月敗邾師而云以

義求齊齊送姜氏之喪者夫人以七月薨公即求齊


齊既許之邾聞許而將 冬莒人來求賂 求還慶

父之賂公子友敗諸鄆獲莒子之弟拏非卿也嘉獲

之也 莒既不能爲魯討慶父受魯之賂而又重來

其求無厭故嘉季友之獲而書之 爲魯于僞反重

來直用反厭於鹽 及五貝



反公賜季友汶陽之田及費汶陽田汶水北地汶

水出泰山萊蕪縣西入濟汶音問費入濟○正義曰水北曰陽故知文水北地釋例曰汶水出

泰山萊蕪縣西南經濟北至東平須昌縣入濟○夫

人氏之喪至自齊君子以齊人殺哀姜也為已甚矣

女子從人者也言君子有三從之義在夫家有罪

非父母所宜討也

經二年春王正月城楚丘楚丘衛邑不言城衛衛未

遷楚丘至未遷○正義曰此決城邢也彼既遷

此則先城楚丘將以封衛言城楚丘不言城衛衛未遷也

夏五月辛巳葬我小君哀姜無傳反哭成喪故稱小

君例在定十五年

虞師晉師滅下陽下陽虢邑在河東大陽縣晉於此

始赴見經滅例在襄十三年○大音奉一音如字見賢遄反

秋九月齊侯宋公江人黃人盟于貫貫宋地梁國蒙

縣西北有貫城貫與貫字相似江國在汝南安陽縣

○貫古亂反貫江人黃人○正義曰公羊穀梁皆

市夜反又音世云江人黃人遠國之辭言其實是

善鄰恃齊背楚終為楚所滅其意雖與皆以江人黃

皆是其國之大夫耳齊桓威德稍盛遠國來服齊桓



謙以接遠故  
與宋公會之

冬十月不雨傳在三年

楚人侵鄭

傳二年春諸侯城楚丘而封衛焉君死國滅故傳

言封天子之建諸侯必分之土地立其疆界聚土

為封以記之故建國謂之封國衛是舊國今不書所

云封者以其君死國滅更封建之故云封也

會後也諸侯既罷而魯後至諱不及期故以獨城

為文○晉荀息請以屈產之乘與垂棘之璧假道於

虞假道於虞○正義曰聘禮云若過他邦至于竟

使次介假道束帛將命于朝下大夫取以入告

出許是禮過他國必假道也聘尚假道况乎伐以伐

國故請以璧馬假借也穀梁傳曰借道乎虞

號荀息荀叔也屈地生良馬垂棘出美玉故以為

名四馬曰乘自晉適號途出於虞故假道屈求勿

反註同乘繩證反註同公曰是吾寶也對曰若得道於虞猶外


府也公曰宮之奇存焉宮之奇虞忠臣對

曰宮之奇之為人也懦而不能強諫懦弱也

作懦乃亂反又乃貨反字林作悞音乃亂反強其良反又其丈反且少長於君君暱

之雖諫將不聽親而狎之必輕其言

女乙反乃使荀息假道於虞曰冀為不道入自顛軫伐



鄭三門前是冀伐虞至鄭鄭虞邑河東大陽縣東

北有顛軫坂○軫音零鄭亡

不道伐鄭三門謂冀伐晉也○冀之既病亦唯君故謂

虞助晉也將欲假道稱前恩以誘之案傳荀息以寶

假道公尚慮虞不許則晉之於虞舊非與國若其嘗

經助晉則是昔來通好何憂乎不許而請進國之美


寶尚畏宮之奇諫乎故杜以為冀自伐虞虞自報冀

以說其心此雖冀之既病則亦唯君故言虞報伐

無文理必然也冀使病將欲假道故稱虞疆以說其心冀國名平陽

皮氏縣東北有冀亭○說音悅今號為不道保於逆旅

逆旅客舍也號稍遣人分依客舍以聚眾抄晉邊邑



○抄初教反又楚稍反強取物○陽處父過甯舍於逆旅甯嬴氏知

逆旅是客舍也逆迎也旅客也迎止賓客之處也保

者固守之語知其分依客舍伺候抄晉邊邑既又入

而保之觀其此語則號晉接鄰但向其都邑須過以

虞竟當以從彼詣號路遙山險易來難往故也

侵敝邑之南鄙敢請假道以請罪于號○問號伐已

以何罪虞公許之且請先伐號○喜於厚賂而欲求

媚宮之奇諫不聽遂起師夏晉里克荀息帥師會虞

師伐號滅下陽○晉猶主兵不信虞

如傳之言直云會虞伐號未知誰為兵主但下云先

書虞賄故也若虞為兵主自當有先不須云先書虞

也明晉實為主而仲尼先書先書虞賄故也○虞非

倡兵之首而先書之惡貪賄也○賄呼罪反○秋盟惡烏路反

于貫服江黃也國江黃楚與國也始來服齊故為今

諸侯○為于偽○齊寺人貂始漏師于多魚國寺人

內奄官豎貂也多魚地名闕齊桓多嬖寵內則如夫

人者六人外則幸豎貂易牙之等終以此亂國傳言

貂於此始擅貴寵漏洩桓公軍事為齊亂張本○寺

又音侍寺人奄官各貂音彫豎上主國寺人至張

反擅時戰反洩息列反又以制反國本○正義曰

周禮內宰之屬有內小臣奄上士四人寺人王之正

內五人內豎倍寺人之數寺人掌王之內人及女宮

之戒令內豎掌內外之通令皆掌婦人之事是自內

小臣以下皆用奄人為官也鄭玄云豎未冠者之官

名然則此人各貂幼童為內豎之官以為齊侯所寵

後雖年長遂呼為豎貂焉此時為寺人之官故稱寺

人貂也言漏師者漏泄師之密謀也漏師已是大罪

此云始者言其終又甚焉故言始以為齊亂張本


○虢公敗戎于桑田國桑田虢地在弘農陝縣東北

晉卜偃曰虢必亡矣亡下陽不懼而又有功是天奪

之鑿國鑿所以自照而益其疾也國驕則生疾必易

晉滅虢張本○易以豉反○冬楚人伐鄭鬬章囚鄭

聃伯國經書侵傳言伐本以伐興權行侵掠為後年



經三年春王正月不雨夏四月不雨

一時不雨則書

首月傳例曰不日旱不為災

**義**一時至為災○正

首月者解去冬今春也書首月者皆竟時不雨次月不雨不復書也故夏四月不雨五月不雨不復書六月得雨乃書之此由不雨日久方始追敘其事每時一書所以詳其文也不於去年冬十月及今年正月不雨註必於夏四月不雨註者以下有六月雨既備書則五月不雨亦應備書今唯云夏四月不雨故杜云一時不雨則書首月以解五月不書不雨之意文二年自十有二月不雨至于秋七月十三年自正月不雨至于秋七月二者皆總書不雨又不書得雨之月與此年書不雨文異者穀梁傳曰一時言不雨者閔雨也閔雨者有志乎民者也六月雨雨云者喜雨也喜雨者有志乎民者也文二年傳曰歷時而言不雨文不憂雨也不憂雨者無志乎民也言僖有憂民之志故每時一書文無憂民之志是以歷時總書賈

逵取以為說杜既不註或亦史與辭也

徐人取舒無傳徐國在下邳僮縣東南舒國今廬江

舒縣勝國而不用大師亦曰取例在襄十三年

○皮悲

反僮音童**義**徐國至三年○正義曰諸侯相滅亡廬力居反者多是土壤鄰接思啓封疆今檢杜註徐在下邳舒在廬江相去甚遙而越竟滅國無傳無註不知所以襄十三年傳例曰凡書取言易也用地師焉曰滅然則滅之與取俱是絕其國家有其土地難則稱滅易則為取釋例曰用大師起大眾重力以陷敵因而有之故曰勝國通以滅為文也取者乘其衰亂或受其潰叛或用小師而不煩兵勞力則直言取如取如攜言其易也是勝國而不用大師亦為取也

六月雨示旱不竟夏

春秋

卷之十一

泐古關

秋齊侯宋公江人黃人會于陽穀陽穀齊地在東平

須昌縣北

冬公子友如齊涖盟涖臨也 又音類 涖臨也 正義曰

公羊傳曰涖盟者何往盟于彼也來盟者何來盟于我也盟者殺牲歃血告誓神明人臨其上從我去者出我之意故言往彼臨視從外至者我共臨視故直舉其來

楚人伐鄭

傳三年春不雨夏六月雨自十月不雨至于五月不

日旱不為災也周六月夏四月於播種五稼無損

○夏戶 雅反 ○秋會于陽穀謀伐楚也三年楚侵鄭故

○齊侯為陽穀之會來尋盟冬公子友如齊涖盟公時不會陽穀故齊侯自陽穀遣人詣魯求尋盟魯使上卿詣齊受盟謙也 偽反 為于

○楚人伐鄭鄭伯欲

成孔叔不可曰齊方勤我孔叔鄭大夫勤恤鄭難

○難乃 且反 棄德不祥祥善也 ○齊侯與蔡姬乘舟于

囿蕩公蔡姬齊侯夫人蕩搖也囿苑也蓋魚池在

苑中音又 公懼變色禁之不可公怒歸之未絕之也

蔡人嫁之為明年齊侵蔡傳

經四年春王正月公會齊侯宋公陳侯衛侯鄭伯許男

曹伯侵蔡蔡潰國民逃其上曰潰例在文三年遂伐

楚次于陘國遂兩事之辭楚強齊欲綏之以德故不

速進而次陘陘楚地潁川召陵縣南有陘亭刑召上

照反傳國遂逆王后于紀公羊傳曰遂者何生事也

謂本無向紀之心至魯始生意也穀梁傳曰遂繼事

之辭也此云兩事之辭謂既有上事復為下事不以

本謀有心無心為與也此齊侯先有伐楚之心因行

而侵蔡耳三十年襄仲將聘于周遂初聘于晉桓十


八年公將有行遂與姜氏如齊如此之類本謀為二

事也六年諸侯伐鄭楚人圍許諸侯遂救許莊十九

年公子結勝陳人之婦于鄆遂及齊侯宋公盟如此

之類本無謀而因事便行也但是兩事皆稱為遂故

曰兩事之辭不別本謀與否



夏許男新城卒國未同盟而赴以名國許男新臣卒

年曹伯盧卒于師此不言于師者穀梁傳曰諸侯死

於國不地死於外地死于師何為不地內桓師也註

云齊桓威德洽著諸侯安之雖卒於外與其在國同

賈逵云不言于師善會主加禮若卒於國左氏無此

義釋例曰若卒于朝會或書師或書地者史之成文

非義所存然則或言于師或不言于師亦是史有詳

畧無義例也註稱赴以名者公雖在軍死須相赴史得赴乃書耳

楚屈完來盟于師盟于召陵國屈完楚大夫也楚子遣


完于師以觀齊屈完覩齊之盛因而求盟故不稱使

以完來盟為文齊桓退舍以禮楚故盟召陵召陵潁

川縣也國屈完至縣也○正義曰公羊傳曰屈完

者何楚大夫也何以不稱使尊屈完也曷

為尊屈完以當桓公也其意言屈完楚之貴者尊之  
 以敵齊侯若屈完足以自專無假君命不為楚子所  
 使故作自來之文服虔取以為說案孔子曰君使臣  
 以禮臣事君以忠此聖人之明訓也今乃尊人之臣  
 詳其不為君使輕人之主以為不合使臣是乃縱羣  
 下以覬覦教強臣以專恣約之以禮豈當然乎故杜  
 別為此解楚子本使屈完如師以觀齊師之強弱強  
 則欲服弱則欲拒屈完觀齊之盛因而求盟盟非楚  
 子之意故不稱使以屈完自來盟為文穀梁傳曰其  
 不言使權在屈完也是其權時之便自來與齊盟也  
 完之本意欲即盟於軍齊桓喜其來服退舍以禮楚  
 言來盟于師書屈完之意也盟于召陵書實盟之所  
 也成二年齊侯使國佐如師不言來而此言來者彼  
 既云如師不須稱來此不言如師故云來耳此既云  
 來盟不復須言及屈完盟彼無來盟之文故別言及  
 國佐盟意與於此故文不同服虔云言來者外楚也  
 嫌楚無罪言來以外之來者自外之文非別罪之所  
 在若以言來即為罪楚則仲孫高子之來也復外齊



齊人執陳轅濤塗

**註**

轅濤塗陳大夫

○轅陳大夫氏也本多作袁濤音桃

秋及江人黃人伐陳

**註**

受齊命討陳之罪而以與謀為

文者時齊不行使魯為主與謀例在宣七年○與音

**註**受齊至七年○正義曰直言及江黃者將卑師

出與謀日及不與謀日會而春秋征伐受命於盟主  
 者實是與謀皆不言及釋例曰盟主之令則上行乎  
 下非匹敵和成之類故雖或先謀皆從不與謀之例  
 然則此伐陳者受齊之命討陳之罪亦是上行乎下  
 而經書及者於時齊師不行使魯為主魯  
 與江黃謀之然後共伐故以與謀為文

八月公至自伐楚

**註**

無傳告于廟

葬許穆公

冬十有二月公孫茲帥師會齊人宋人衛人鄭人許人

曹人侵陳公孫茲叔牙子叔孫戴伯

傳四年春齊侯以諸侯之師侵蔡蔡潰遂伐楚楚子

使與師言曰君處北海寡人處南海唯是風馬牛不

相及也楚界猶未至南海因齊處北海遂稱所近

牛馬風逸蓋未界之微事故以取喻近附楚

取喻正義曰襄十二年傳稱楚子囊述共王之德

撫有蠻夷奄征南海唯言征南海耳其竟未必至南

海也因齊實處北海遂稱所近言其相去遠也服虔

云風放也牝牡相誘謂之風尚書稱馬牛其風牝言

風馬牛謂馬牛風逸牝牡相誘蓋是未界之

微事言此事不相及故以取喻不相干也

不虞君之涉吾地也何故管仲對曰昔召康公命我先君大

公召康公周大保召公奭也同奭音釋召康

公正義曰諡法安曰五侯九伯女實征之以夾輔周室


以夸楚女音汝夾古洽反五等至夸楚正

伯得舊古協反夸苦瓜反義曰太公為王官之

諸侯九州之伯皆得征討其罪齊桓因大公有此王


命言已上世先公得征討有罪所以夸楚也鄭玄以

為周之制每州以一侯為牧二伯佐之九州有九侯





伯佐之言是周制其事無所出也且征者征其所統  
 之國非征侯伯之身何當計較人數以充五九之言  
 即如其言使伯佐牧二伯共佐治而已非是分州之  
 半復安得征九伯也技數煩碎非復人情故先儒無  
 同之者 **賜我先君履東至于海西至于河**  
 ○正義曰釋例曰海自遼西北平漁陽章武渤海樂  
 陵樂安北海東萊城陽東海廣陵吳郡會稽十四郡  
 之東界以東河出西平西南二千里從西平東北經  
 金城故北地朔方五原至故雲中南經平陽河東之  
 西界東經河東河內之南界東北經汲郡頓丘陽平  
 平原樂陵之東南入海杜之此言據其當時之河耳  
 禹貢導河積石至于龍門南至于華陰東至于底柱  
 又東至于孟津東過洛汭至于大伾北過降水至于  
 大陸又北播為九河同為逆河入于海案驗其地自  
 大伾以上河道不改大伾以下即是汲郡以東河水  
 東流秦漢以來始然也古之河道自大伾而北過降  
 水故迹不可復知其大陸則趙之廣澤也大陸以北



播為九河九河故道河間成平以南平原鬲縣以北  
 其九河者徒駭一大史二馬頰三覆釜四胡蘇五簡  
 六絜七鈎盤八鬲津九徒駭最西以次而東故鄭註  
 禹貢河間弓高縣往往有其處中候云齊桓霸過八  
 流以自廣計桓公之時齊之西竟當在九河之最西  
 徒駭蓋是齊之西界其東至于海當盡樂安北海之  
 東界也 **南至于穆陵北至于無棣**  
 穆陵無棣皆齊竟

也履所踐履之界齊桓又因以自言其盛 ○棣大計  
 下皆 **爾貢包茅不入王祭不共無以縮酒寡人是徵**  
 同

**包**裹束也茅菁茅也束茅而灌之以酒為縮酒尚


書包匭菁茅之為異未審 ○共音恭本亦作供下

果菁子丁反苞或作 **匭** 包裹至未審 ○正義曰禹

包匭音軌本或作軌 **貢** 荆州包匭菁茅孔安國云

其所包裹而致者匪匣也菁以為菹茅以縮酒郊特牲云縮酌用茅鄭玄云凍之以茅縮去滓也周禮甸師祭祀共蕭茅鄭興云蕭字或為蕭昔讀為縮束茅立之祭前沃酒其上酒滲下去若神飲之故謂之縮縮滲也故齊桓公責楚不貢包茅王祭不共無以縮酒杜用彼鄭興之說也孔安國以菁與茅別杜云茅菁茅則以菁茅為一特令荊州貢茅必當與於餘處但更無傳說故云茅之為異未審也沈氏云大史公封禪書云江淮之間一茅三脊杜云未審者以三脊之茅比目之魚比翼之鳥皆是靈物不可常貢故杜云未審也

**昭王南征而不復寡人是問**  
昭王成王之孫南巡守涉漢船壞而溺周人諱而不赴諸侯不知其故故問之  
○守手又反  
**昭王至問之**  
○正義曰也呂氏春秋季夏紀云周昭王親將征荆蠻辛餘靡長且多力為王右還反涉漢梁敗王及祭公隕于漢



中辛餘靡振王北濟反振祭公高誘註引此傳云昭王之不復君其問諸水濱由此言之昭王為沒於漢辛餘靡焉得振王北濟也振王為虛誠如高誘之註又稱梁敗復非船壞舊說皆言漢濱之人以膠膠船故得水而壞昭王溺  
**對曰貢之不入寡君之罪也敢焉不知本出何書**

**不共給昭王之不復君其問諸水濱**  
昭王時漢非

楚竟故不受罪  
○濱音賓昭王至受罪○正意曰楚首賓世家成王封熊繹於楚以子

男之田國居丹陽宋仲子云丹陽南郡枝江縣也枝江去漢其路甚遙昭王時漢非楚竟故不受罪也

**師進次于陘**  
楚不服罪故復進師  
○復扶  
**夏楚子**

**使屈完如師**  
如陘之師觀強弱師退次于召陵  
○乘

完請盟故齊侯陳諸侯之師與屈完乘而觀之

共載○乘繩證反註同齊侯曰豈不穀是為先君之好是繼

與不穀同好如何言諸侯之附從非為已乃尋先

君之好謙而自廣因求與楚同好孤寡不穀諸侯謙

稱○是為于偽反註同好呼稱○報反下及註同稱尺證反言諸侯至謙稱○

以前皆嘗與齊交接此時諸侯有魯宋陳衛鄭許曹桓公

與民言自稱寡人庶方小侯自稱曰孤其在四夷雖

大曰子於內自稱不穀禮記雖為定例事在臨時所

稱此齊侯自稱不穀襄王出奔亦稱不穀皆出自當

時之意耳爾雅訓穀為善穀是養人對曰君惠徼福

於敝邑之社稷辱收寡君寡君之願也齊侯曰以此

眾戰誰能禦之以此攻城何城不克對曰君若以德

綏諸侯誰敢不服君若以力楚國方城以為城漢水

以為池方城山在南陽葉縣南以言竟土之遠漢

水出武都至江夏南入江言其險固以當城池○微


反要也漢水以為池本或作漢以○微雖眾無所用之屈

完及諸侯盟○陳轅濤塗謂鄭申侯曰師出於陳鄭

之間國必甚病申侯鄭大夫當有供給之費故

若出於東方觀兵於東夷循海而歸其可也○

東夷郟莒徐夷也觀兵示威○郟音談申侯曰善濤塗以




告齊侯許之許出東方申侯見曰師老矣若出於東方而遇敵懼不可用也若出於陳鄭之間共其資

糧屣履其可也屏草屣 見賢遍反糧 資糧屏 音良屏符費反 履 正

義曰少儀云君將適他臣如致金玉貨貝於君則曰致馬資於有司鄭玄云資猶用也然則諸所費用之物皆為資也糧謂米粟行道之食也屣履俱是在足之物善惡異名耳揚雄方言云屏粗屣也絲作之曰屣麻作之曰屏粗者謂之屣喪服傳曰疏屣者蕪蒯之菲也是非用草為之也註云草屣者屣屣通言耳相形以曉人也齊侯說與之虎牢還以鄭邑賜之定本為草屣

○說執轅濤塗秋伐陳討不忠也以濤塗為誤音悅軍道許穆公卒于師葬之以侯禮也男而以侯



禮加一等凡諸侯薨于朝會加一等諸侯命有三等公為上等侯伯中等子男為下等死王事加二等

謂以死勤事諸侯薨至二等 正義曰沈氏云朝會亦王事而別言死王事者謂

因王事或戰陳而死故別其文也於是有以袞斂袞衣公服也謂

加二等袞古本反袞冕 上公服斂力驗反冬叔孫戴伯帥師會諸

侯之師侵陳陳成歸轅濤塗陳服罪故歸其大夫

戴謚也○初晉獻公欲以驪姬為夫人卜之不吉筮

之吉卜之不吉筮之吉 正義曰曲禮云卜筮不相襲鄭玄云卜不吉則又筮筮不吉則又卜

是瀆龜筮也晉獻公卜娶驪姬不吉公曰筮之是也如彼記云卜之不吉不合更筮但獻公既愛驪姬欲

必尊其位故卜既不吉更令筮之冀乎筮而得吉所以遂已心也詩云我龜既厭不我告猶鄭玄云卜筮數而瀆龜龜虛厭之不復告其所圖之吉凶由是貫瀆龜筮不復告之以實故終實不吉而筮稱其吉是筮非不知而不以實告也周禮筮人云凡國之大事先筮而後卜鄭玄云當用卜者先筮之即事漸也於姬晉文公卜納王趙鞅卜救鄭皆先卜而後筮者周禮言其正法耳春秋之世臨時請問者或卜或筮出自當時之心不必皆先筮後卜崔靈恩以為國之大事先筮而後卜筮凶則止不卜者筮必以三代之法若三法皆凶則止不卜若兩法是凶一法為百名為筮逆猶是疑限故更卜以決之則洪範筮逆龜從是也故大卜掌三兆三易儀禮特牲少牢筮皆旅占是筮有眾占之法則靈

**如從長** 物生而後有象象而後有滋滋而後有數

**公曰從筮卜人曰筮短龜長不**

**龜象筮數故象長數短** 或音而據反 物生至

義曰筮數以上皆十五年傳云象者物初生之形數者物滋息之狀凡物皆先有形象乃有滋息是數從象生也龜以本象金木水火土之兆以示人故為長筮以末數七八九六之策以示人故為短周禮占人掌占龜鄭玄云占人亦占筮言掌占龜者筮短龜長主於長者亦用此傳為說案易繫辭云著之德圓而神卦之德方以智神以知來知以藏往然則知來藏往是為極妙雖龜之長無以加此聖人演筮以為易所知豈短於卜人欲令公舍筮從卜故云筮短龜長非是龜能實長杜欲成筮短龜長之意故引傳文以證之若至理而 **且其繇曰專之渝攘公之掄** 繇

卜兆辭渝變也攘除也掄美也言變乃除公之美

直救反渝羊朱反下一薰一猶十年尚猶有臭

香草猶臭草十年有臭言善易消惡難除○薰許云反音由  
 易以○專之至有臭○正義曰言公若專心愛之公  
 豉反○心必將改變變乃除公之美公先有美此人  
 將除去之薰是香草猶是臭草一薰一猶言分數正  
 等使之相和雖積十年尚猶有臭氣香氣盡而臭氣  
 存言善惡聚而多少敵善不能止惡而惡能消善○  
 是卜人之言知是卜兆辭也卜人舉此辭以止公則  
 兆頌舊有此辭非卜人始為之也卜人言其辭而不  
 言其意不知得何兆此意何所出也渝變攘除皆釋  
 言文也釋畜云夏羊牡渝牝殺則渝是羊之名美善  
 之字皆從羊故渝為美也變乃除公之美言公心必  
 變而除公美也○薰香至難除○正義曰此傳之  
 意言善惡相雜二字皆從草知是香草臭草也月令  
 五時各言其臭中央土云其臭香易繫辭云其臭如  
 蘭傳稱在君之臭味則臭是氣之總名元非善惡之  
 稱但既謂善氣為香故專以惡氣為臭耳于是數之

小成故舉以為言焉十年香氣盡矣惡氣尚存言善  
 易消而惡難滅也杜知猶是臭者內則云牛夜鳴則  
 庶彼庶亦是臭義其字雖異其意亦同尚猶有臭猶  
 則尚之義重言之耳猶尚書云弗遑暇食遑則暇也

必不可弗聽立之生奚齊其娣生卓子及將立奚齊  
 既與中大夫成謀姬謂大子曰君夢齊姜必速祭之


**註**齊姜大子母言求食○卓吐濁反大子祭于曲沃歸胙

于公**註**胙祭之酒肉○胙才故反公田姬寘諸宮六日公

至毒而獻之**註**毒酒經宿輒敗而經六日明公惑之

○寘之豉反公祭之地地墳與犬犬斃與小臣小臣亦斃

**註**公田至亦斃○正義曰晉語說此事云公田驪姬受胙乃寘酖於酒寘董於肉公至召申生獻公祭



地地墳申生恐而出驪姬與犬肉犬斃飲小臣酒亦斃此傳既畧當如國語也賈逵云董烏頭也穀梁傳曰以酖為酒藥脯以毒○**毒酒**至惑之○正義曰毒酒經宿便敗而公不怪其六日仍得如故明公之惑於驪姬不以**姬泣曰賊由太子太子奔新城****新**六日為怪也

城曲沃○墳扶粉反**公殺其傅杜原款或謂太子子**

**辭君必辯焉****以六日之狀自理**○款若管反**太子**

**曰君非姬氏居不安食不飽我辭姬必有罪君老矣**

**吾又不樂****吾自理則姬死姬死則君必不樂不樂**

**為由吾也**○樂音洛註同**曰子其行乎太子曰君實不察其**

**罪被此名也以出人誰納我十二月戊申縊于新城**

**姬遂譖二公子曰皆知之重耳奔蒲夷吾奔屈****二**

子時在朝為明年晉殺申生傳被皮寄反又反絳反縊一賜反譖側鳩反

**經五年春晉侯殺其世子申生****稱晉侯惡用讒書春**

**從告**○惡烏路反稱晉至從告○正義曰公羊傳曰

稱君者甚之也言父子相殘惡之甚者是惡其用讒殺太子故斥言晉侯以罪之罪晉侯則申生無罪也

傳稱晉侯使以殺太子申生之故來告實以去年死告稱今年殺故以今年書也釋例曰晉魯久不交使

而告殺申生則所告不必嘗有玉帛之使但欲廣聲其罪耳言廣聲其罪則晉侯謂讒言為實誣加大子

以罪時史知其實改告而書之此傳不言書日則是舊史然也

**杞伯姬來朝其子****無傳伯姬來寧寧成風也朝其子**

者時子年在十歲左右因有諸侯子得行朝義而卒不成朝禮故繫於母而曰朝其子○杞伯姬來絕句來歸寧朝其子猶

言其**伯姬**至其子○正義曰伯姬未必是成風亦得歸寧也沈氏云伯姬以莊二十五年六月歸于

杞假令後年生于則其年十四矣杜云十歲左右者以其從母言朝故云十歲左右也桓九年曹伯使世子射姑來朝是諸侯之子得有攝君之禮行朝之義

但此子幼弱而卒不成朝故繫於母而曰朝其子也若其能行朝禮則世子當如射姑伯姬別言來耳

**夏公孫茲如牟****叔孫戴**伯娶于牟卿非君命不越竟

故奉公命聘於牟因自為逆○竟音境為于偽反**叔孫至**

義曰牟是附庸之國唯桓十五年邾人牟人葛人來朝自爾以來更不朝聘於魯魯不應使卿聘此小國

當是叔孫聘妻已定但卿非君命不得越竟故咨公請使奉君命以聘因自為逆婦故傳稱娶焉明其因娶而聘

公及齊侯宋公陳侯衛侯鄭伯許男曹伯會王世子于

首止惠王太子鄭也不名而殊會尊之也首止衛

地陳留襄邑縣東南有首鄉

秋八月諸侯盟于首止間無異事復稱諸侯者王世

子不盟故也王之世子尊與王同齊桓行霸翼戴天

子尊崇王室故殊貴世子○復扶**間無至世子**

傳曰諸侯何以不序一事而再見者前目而後凡也言此諸侯還是上會之諸侯故從省文不復序也昭




十三年秋公會劉子晉侯云云于平丘八月甲戌同盟于平丘不言諸侯者為間無異事故也九年夏公會宰周公齊侯云云于葵丘九月諸侯盟于葵丘言諸侯者為其間有伯姬卒故也此會盟之間無他異事復稱諸侯者為王世子不盟故也穀梁傳曰復舉諸侯何也尊王世子而不敢與盟也釋例曰未有臣而盟君臣而盟君是子可盟父故春秋王世子以下會諸侯者皆同會而不同盟是解復言諸侯者見王世子不與盟也王世子者王之儲副周禮膳夫掌養王及后世子歲終則會唯王及后世子之膳不會是其尊與王同也齊桓行霸翼戴天子尊崇王室故殊貴王之世子於會則歷序諸侯言會王世子則王世子不序諸侯之列也盟則諸侯

**鄭伯逃歸不盟**  
義曰禮君行師從卿

自盟世子不與是殊貴世子也

**其師而歸之逃例在文三年**  
義曰禮君行師從卿

行旅從雖則會盟必有師旅鄭伯棄其師眾輕身逃歸釋例曰國君而逃師棄盟違其典儀棄其章服羣



臣不知其謀社稷不保其安此與匹夫逃竄無異故例在上曰逃是言稱逃之意也逃在盟前辟盟而逃故云逃歸不盟公還先告會盟故後書鄭伯

**楚人滅弦弦子奔黃**  
音犬  
 弦國在弋陽軹縣東南

**九月戊申朔日有食之**  
 無傳

**冬晉人執虞公**  
 虞公貪璧馬之寶距絕忠諫稱人以

執同於無道於其民之例例在成十五年所以罪虞且言易也晉侯修虞之祀而歸其職貢於王故不以

**滅同姓為譏**  
○易以  
 疏 虞公至為譏○正義曰書

之例虞公於傳未有不道之狀但虞公貪璧馬之寶拒絕忠諫諫者所以安存社稷保佑下民志在貪寶

無恤民之意即為不道於民是故稱人以執之也實是滅其國而言執其君者所以罪虞公且言執之易釋例曰虞公昧於貨賄貪以自亡國非其國臣非其臣晉人取之若執一夫故稱人以執而不言滅罪虞且言易也二十五年衛侯燬滅邢傳曰同姓也故名虞亦晉之同姓不言晉侯名者傳稱晉侯修虞祀且歸其職貢於王以是之故不以滅同姓為譏謂不書晉侯各也

傳五年春王正月辛亥朔日南至

**注**

周正月今十一月冬至之日日南極


公既視朔遂登觀臺以望而書

禮也

**注**

視朔親告朔也觀臺臺上構屋可以遠觀者也朔旦冬至歷數之所始治歷者因此則可以明其術數審別陰陽敘事訓民魯君不能常修此禮故善

也朔旦冬至歷數之所始治歷者因此則可以明其術數審別陰陽敘事訓民魯君不能常修此禮故善



公之得禮

**注**登觀古亂反註同臺以望絕句而凡分書本或作而書雲物非也別彼列反

至啓閉必書雲物

**注**

分春秋分也至冬夏至也啓立

春立夏閉立秋立冬雲物氣色災變也傳重申周與

不言公者日官掌其職

**注**

重有為備故也

**注**

素察妖


祥逆為之備

**注**

辛亥至備故也○正義曰辛亥朔者月一日也日南至者冬至日也天子

班朔於諸侯諸侯受而藏之於大祖廟每月之朔告廟受而行之諸侯有觀臺所以望氣祥也公既親自行此視朔之禮遂以其日往登觀臺之上以瞻望雲及物之氣色而書其所見之物是禮也凡春秋分冬夏至立春立夏為啓立秋立冬為閉用此八節之日必登觀臺書其所見雲物氣色若有雲物變異則是歲之妖祥既見其事後必有驗書之者為豫備故也視朔者月朔之禮也登臺者至日之禮也公常以一

日視朔至日登臺但此朔即是至日故視朔而遂登臺也。○**註**周正至南極。○正義曰日之行天有南有北常立八尺之表以候景之短長夏至之景尺有五寸日最長而景最短是謂日北至也自是以後日稍近南冬至之景一丈三尺日最短而景最長是謂日南至也冬至者十一月之中氣中氣者月半之氣也月朔而已得中氣是必前月閏閏前之月則中氣在晦閏後之月則中氣在朔閏者聚殘餘分之月其月無中氣半屬前月半屬後月是去年閏十二月十六日已得此年正月朔大雪節故此正月朔得冬至也而杜長歷僖元年閏十一月此年閏十二月又閏之相去歷家大率三十三月耳杜於此閏相去凡五十月不與歷數同者杜推勘春秋日月上下置閏或稀或概自準春秋時法故不與常歷同。○**註**視朔至得禮。○正義曰視朔者公既告廟受朔即聽視此朔之政是其親告朔也禮天子曰靈臺諸侯曰觀臺釋宮云四方而高曰臺臺上構屋可以遠觀望故謂之觀臺也古之為歷者皆舉其大數周年有三百六十五



日四分日之一分爲十二月則一月各有三十日十六分日之七是故從前月初節至後月初節必三十日有餘也其日月之行天也日行遲月行疾每二十九日過半而月及日謂之一月故從朔至朔唯二十九日過半耳計一歲則有餘十一日而不得周年故作閏月以補之計十九年而有七閏古歷十九年爲一章以其閏餘盡故也步歷之始以朔旦冬至爲首歷之上元其年是十一月朔旦冬至至十九年閏月盡復得十一月朔旦冬至故以十九年爲一章積章成部積部成紀治歷者以此章部爲法因此可以明其術數推之而知氣朔也審別陰陽寒暑不失其時也所以陳敘時事教訓下民魯君不能常修此事故善公之得禮也。○**註**分春至其職。○正義曰一年分爲四時時皆九十餘日春之半稱春秋之半晝夜長短等晝夜中分百刻故春秋之半稱春秋分也冬之半夏也四時之氣寒暑不同春夏生物秋冬殺物生物則當啓殺物則當閉故立春立夏爲啓立秋立冬爲閉

言物謂氣色者謂非雲而別有氣色杜恐與雲相亂故別云氣色也周禮保章氏以五雲之物辨吉凶水早降豐荒之祲象鄭玄云物色也視日旁雲氣之色降下也知水旱所下之國鄭眾云以二至二分觀雲色青為蟲白為喪赤為兵荒黑為水黃為豐眾之此言蓋出占候之書計雲氣之占不啻盡此而已但世絕其學故莫能知焉左傳諸所發凡皆是周之舊典既言禮也更復發凡是重申周典也直言必書雲物不更云公是日官掌其職非公所當親也劉炫規云書雲物亦是公親為之但上文有公既視朔故下文去公字耳今刪定知不然者上文有公既視朔是傳家之語下文必書雲物是周公舊凡舊凡之文包諸侯天子若諸侯稱公書雲物則天子當稱王書雲物是知舊凡元無王公之文日官掌其事若以上文有公既視朔故去公字然則周公舊凡豈豫知有公既視朔没去公字乎苟生異見妄規杜氏非也 ○晉侯使以殺太子申生之故來告

**釋經** 必須告乃書

初晉侯使士蔣為二公子築蒲與屈不慎真薪焉

不謹慎 ○為于偽反下乃 **謹** 不謹慎 ○正義曰不為同真之歧反 **謹** 謹慎所為多真薪於中

焉若今夷吾訴之公使讓之 **謹** 讓之 ○譴棄士蔣

稽首而對曰 **稽** 士蔣稽首 ○正義曰周禮大祝辨九

至手所謂拜手也鄭唯解此三者拜之形容所以為

異也稽首頭至地頭下緩至地也頓首頭不至地暫

一叩之而已尚書每稱拜手稽首者初為拜頭至手

乃復叩頭以至地至手是為拜手至地乃為稽首然

則凡為稽首者皆先為拜手乃成稽首故尚書拜手

稽首連言之傳雖不言拜手當亦先為敬之極故臣於君乃然孔安國以為盡禮致敬知此是禮之極盡也

奇拜八曰衰拜九曰肅拜鄭玄云振動戰栗變動之拜拜而後稽顙謂齊衰不杖以下者凶拜稽顙而後拜謂三年服者奇拜謂一拜答臣下拜衰拜再拜拜神與尸肅拜今時擡也介者不拜說者又以爲稽首臣拜君也頓首謂敵者相拜也空首謂君答臣拜也臣聞之無喪而感憂必讐

焉讐猶對也無戎而城讐必保焉保而守之寇

讐之保又何慎焉守官廢命不敬固讐之保不忠失

忠與敬何以事君詩云懷德惟寧宗子惟城詩大

雅懷德以安則宗子之固若城詩云至惟城○正義曰詩大雅板之

七章懷和也寧安也和其德以撫民則其國君其修惟安矣但能以德安國則宗子之固若城

德而固宗子何城如之言城不如固宗子三年將

尋師焉焉用慎尋用也退而賦曰狐裘尫

茸一國三公吾誰適從士為自作詩也尫茸亂貌

公與二公子為三言城不堅則為公子所訴為公所

讓堅之則為固讐不忠無以事君故不知所從○尫莫紅


反又音蒙茸如容反及難公使寺人披伐蒲重耳曰

君父之命不投乃徇曰投者吾讐也喻垣而走披斬

其祛遂出奔翟祛袂也音教徇似浚反垣音袁祛

起魚反翟音祛袂也○正義曰禮深衣記云祛狄袂面世反祛袂也之長短反詘之及肘喪服云祛屬幅

祛尺二寸幅謂衣之身也祛屬於幅長於手反屈至肘則從幅盡於袖口總名為祛其祛近口又別名為



祛此斬其祛斬其袖之末也詩唐風羔裘傳云祛袂未鄭玄王藻註云祛袂口也但袂是總名得以袂表祛故云  
○夏公孫茲如牟娶焉  
因聘而娶故傳實

其事  
○娶七喻反  
○會于首止會王太子鄭謀寧周

也  
○惠王以惠后故將廢太子鄭而立王子帶故齊

桓帥諸侯會王太子以定其位  
○惠王至其位  
○正義曰二十四年

傳曰不穀不德得罪于母氏之寵子帶書曰天王出居于鄭辟母弟之難也如彼傳文則襄王與子帶俱是惠后所生但其母鍾愛其少子故欲廢太子而立之周本紀云襄王母早死後母曰惠后生叔帶與傳不同史記繆也七年惠王崩襄王畏子帶不敢發喪知此時有廢太子之意故齊桓帥諸侯會太子定其位安王

○陳轅宣仲怨鄭申侯之反已於召陵  
○宣

仲轅濤塗故勸之城其賜邑  
○齊桓所賜虎牢曰美

城之大名也子孫不忘吾助子請乃為之請於諸侯

而城之美  
○樓櫓之備美設  
○美城之絕  
○遂譖諸鄭

伯曰美城其賜邑將以叛也申侯由是得罪  
○為七

年鄭殺申侯傳  
○秋諸侯盟王使周公召鄭伯曰吾

撫女以從楚輔之以晉可以少安  
○周公宰孔也王

恨齊桓定太子之位故召鄭伯使叛齊也晉楚不服

於齊故以鎮安鄭  
○秋諸侯盟本或此下更  
○有于首止三字非女音汝  
鄭伯喜

於王命而懼其不朝於齊也故逃歸不盟孔叔止之

曰國君不可以輕輕則失親孔叔鄭大夫親黨援

也○輕遣正反下同失親患必至病而乞盟所喪多矣君必

悔之弗聽逃其師而歸○喪息浪反楚鬪穀於菟滅弦

弦子奔黃於是江黃道栢方睦於齊皆弦姻也栢姻

外親也道國在汝南安陽縣南栢國名汝南西平縣


有栢亭弦子恃之而不事楚又不設備故亡○晉侯

復假道於虞以伐虢宮之奇諫曰虢虞之表也虢亡

虞必從之晉不可啓寇不可翫翫習也○復扶又反下六年

經註一之為甚其可再乎為二年假晉道滅下陽

同



諺所謂輔車相依唇亡齒寒者其虞虢之謂也輔

頰輔車牙車○車尺奢反頰頰頰輔車牙車○正義曰

者並言則各為一物廣雅云輔頰也則輔頰為一釋

名曰頰或曰輔車其骨彊可以輔持其口或謂牙車

牙所載也或謂頰車也衛風碩人云巧笑倩兮毛傳

云好口輔也如此諸文牙車頰車牙下骨之名也頰

之與輔口旁肌之名也蓋輔車一處分為二名耳輔為外表車是內骨故云相依也公曰晉吾

宗也豈害我哉對曰大伯虞仲大王之昭也大伯不

從是以不嗣大伯虞仲皆大王之子不從父命俱

讓適吳仲雍支子別封西吳虞公其後也穆生昭昭

生穆以世次計故大伯虞仲於周為昭○大音泰下及註同昭上

饒反註同後 號仲號叔王季之穆也 王季者大伯

虞仲之母弟也 號仲號叔王季之子文王之母弟也

仲叔皆號君字 王季至君字 正義曰大伯虞

相辟知其皆同母也 周本紀云古公有長子曰大伯

次曰虞仲大姜生季歷如史記之文似王季與大伯

別母馬遷之言疏繆耳此言號仲號叔王季之穆國

語稱文王敬友二號故亦以為文王母弟母弟之言

事無所出仲叔皆文王之時號君字也 據傳云鄭滅

一號晉滅一號不知誰是仲後誰是叔後賈逵云號

仲封東號制是也 號叔封西號號公是也 馬融云號

叔同母弟號仲異母弟號仲封下陽號叔封上陽案

傳上陽下陽同是號國之邑不得分封二人也 若二

號共處鄭復安得號國而滅之 雖賈之言亦無明證

各以意解 為文王卿士勲在王室藏於盟府 盟府

不可審知 為文王卿士勲在王室藏於盟府 盟府

司盟之官 盟府司盟之官 正義曰周禮司盟

盟則貳之鄭玄云貳之者寫副當以授六官唯言會

同之盟不掌勲功之事而得有號之勲藏於盟府

者凡諸侯初受封爵必有盟誓之言檀弓云衛大史

柳莊死公與之邑裘氏與縣潘氏書而納諸棺曰世

世萬子孫毋變也 其言即盟誓之辭也 漢書功臣侯

表記高祖即位八載天下乃平始論功而定封侯者

一百四十三人封爵之誓曰使黃河如帶泰山若礪

國以永存爰及苗裔其誓即盟之類事必有因於古

明知以勲受封必有盟要 將號是滅何愛於虞且虞

其辭當藏於司盟之府也 能親於桓莊乎其愛之也

於桓莊乎其當愛此虞也 服虔其作甚註云愛之甚

當謂愛桓莊之族甚也 愛之若甚何以誅之且文勢






**桓叔莊伯之族晉獻公之從祖昆弟獻公患其偏盡殺之事在莊二十五年**  
○偏彼力反  
**桓叔至五年**  
○正義曰莊伯之族從父昆弟也桓叔之族從祖昆弟也唯言從祖昆弟舉疏者而畧言耳

**尚害之況以國乎公曰吾享祀豐絜神必據我**  
○據猶安也  
○享典兩反  
**對曰臣聞之鬼神非人實親惟德是**

**依故周書曰皇天無親惟德是輔**  
○周書逸書又曰

**黍稷非馨明德惟馨**  
○馨香之遠聞  
○聞音問又如字  
**又曰**

**民不易物惟德馨物**  
○黍稷牲玉無德則不見饗有德則見饗言物一而異用  
○繫惡兮反是也  
○周書至繫物  
○正義曰皇



**天無親惟德是輔**  
○蔡仲之命文也黍稷非馨明德惟馨君陳文也人不易物惟德其物旅絜文也杜不見古文故以為逸書此傳與書異者其作繫師授不同字改易耳其意亦不異也民不易物者設有二人俱以物祭其祭相似不改易此物惟有德者繫此乃是物無德而薦神所不享則此物不是物也  
**如是則非德民不和神不享矣神所馮依將在德矣若晉取虞而明德以薦馨香神其吐之乎弗聽許晉使官之奇以其族行**  
○馮皮冰反下  
○以其族行  
○正義曰晉語云宮之奇諫而不聽出謂其子曰將亡矣吾不去懼及焉以其祭適西山韋昭云西山國西界也

**曰虞不臘矣**  
○臘歲終祭衆神之名  
○臘力  
○蓋反  
○虞

○臘矣  
○正義曰月令孟冬臘門閭及先祖五祀臘之見於傳記者唯月令與此文而已秦本紀惠王十

二年初臘始皇三十一年更改臘曰嘉平蔡邕獨斷云臘者歲終大祭縱吏民宴飲非迎氣故但送不迎應劭風俗通云案禮夏曰嘉平殷曰清祀周曰大蜡漢驚臘臘者獵也田獵取獸祭先祖也此言虞不臘矣明當時有臘祭周時臘與大蜡各為一祭言漢改曰臘不蜡而為臘矣

**更舉矣** **不更舉兵八月甲午晉侯圍上陽** **上陽** 魏國都在弘農陝縣東南問於卜偃曰吾其濟乎對曰克之公曰何時對曰童謠云丙之晨龍尾伏辰

龍尾尾星也日月之會曰辰日在尾故尾星伏不見

○謠音遙見賢遍反 **均服振振取虢之旂** ○均如字同也字書作戎事上下同服振 **振盛貌旂軍之旌旗** ○均如字同也字書作均音同振音真註同 **鶉之賁**

**賁天策焯焯火中成軍號公其奔** **鶉鶉火星也賁**

賁鳥星之體也天策傳說星時近日星微焯焯無光耀也言丙子平旦鶉火中軍事有成功也此已上皆

童謠言也童亂之子未有念慮之感而會成嬉戲之言似若有焉者其言或中或否博覽之士能懼思之

人兼而志之以為將來之驗有益於世教 ○鶉述春反又常倫

反賁音奔焯他門反說音悅近附近之近上時掌反 **其九月十月之交乎** ○毀齒也嬉戲許宜反中丁仲反 **以星驗推之知九月十月之**

**交謂夏九月十月之交晦朔交會** ○夏戶雅反下同 **丙子旦**

日在尾月在策圖是夜日月合朔於尾月行疾故至

且而過在策圖火中必是時也圖童謠至時也○正

謂之謠言無樂而空歌其聲逍遙然也於時有童穉

之子為此歌謠之辭故卜偃取以對公也夜之向明

為晨日月聚會為辰星宿不見為伏言乙日夜半之

後丙日將旦之時龍尾之星伏在合辰之下當是之

時軍人上下均同其服振振然而盛旂者晉軍旂也

而往取虢故云取虢之旂南方鶉鳥之星其體賁賁

然見於南方天策之星近日焯焯然無光耀甚微也

鶉火之次正中於南方爾時其當成軍事也虢公其

當奔走也既引童謠之言乃復指其時日在夏之九

月十月之交乎謂九月十月晦朔之交也十月朔丙

子之日平旦時日體在尾星月在天策星鶉火正中

於南方必是時克之圖龍尾至不見圖正義曰東

方七宿皆為蒼龍之宿其龍南首北尾角是龍角尾

即龍尾故云龍尾星也日月之會為辰昭七年傳

文於時日體在尾尾星與日同處共日俱出入故常


伏不見也丙之晨者說文云晨早昧爽也謂夜將旦

雞鳴時也圖戎事上下同服圖正義曰周禮司服

職云凡兵事韋弁服鄭玄云韋弁以韠韋為弁又以

為衣裳今時伍伯緹衣古兵服之遺色然則在兵之

服皆韋弁均服者謂兵戎之事貴賤上下均同此服




春秋

卷之十一

游世閣

孟明之臣也其不解也能懼思也能懼思之人謂孟明之類也○**註**是夜至在策○正義曰以三統歷推之此夜是月小餘盡夜半合朔在尾十四度從乙夜半至平旦日行四分度之一月行三度有餘故丙子旦日在尾星月在天策鶉火之次正中也月令孟冬之月日在尾昏危中旦七星中七星則鶉火次之星也

**冬十二月丙子朔晉滅虢虢公醜奔京師****註**不書不告也周十二月夏之十月師還館于虞遂襲虞滅之執虞公及其大夫井伯以勝秦穆姬**註**秦穆姬晉獻公女送女曰勝以屈辱之而修虞祀且歸其職貢於王**註**虞所命祀**註**虞所命祀○正義曰虞受王竟內山川之神也既滅其國故代虞祭之**故書曰晉人執虞公罪虞公言**



**易也** ○易以  
 豉反

春秋左傳註疏卷第十二終

春秋左傳註疏卷第十三 僖六年盡十四年

晉杜氏註

唐孔穎達疏

經六年春王正月

夏公會齊侯宋公陳侯衛侯曹伯伐鄭圍新城 圍新城

鄭新密今滎陽密縣

秋楚人圍許 楚子不親圍以圍者告諸侯遂救許

皆伐鄭之諸侯故不復更敘

冬公至自伐鄭 無傳 公至自伐鄭。正義曰二十八年公會晉侯云云于溫諸